

914. Vil unmüezie si wären unz an den fehsten tac.  
 si heten niht der wile. daz gefinde nie gelac,  
 wie si ze gotes hulden die von Hegelingen  
 von ir grôzen schulden und von ir missetât möhten bringen.
915. Lesen unde singen man hörte sô vil dâ,  
 daz man bi sturmtdöten nindert anders wâ  
 gote sô schône diente in dccheinem lande.  
 sit lie man bi den veigen vil der pfaffen uf dem fande.
916. Ouch muosen dâ belibben die ir solten pflegen.  
 die hiez man ane schrifben, daz in dâ wart gegeben,  
 wol driu hundert huobe. ez wurden spitalære.  
 diu mære erschullen verre, wie daz klôster dâ gestiftet wäre.
917. Alle die ir mäge heten dâ verlân,  
 die gâben dâ ir stiure, wîp unde man,  
 durch willen der fêle, der lichnam si begruoben.  
 sit wart ez alsô riche, daz dar dienten wol driu hundert huaben.
918. Nû ruoche si got begnâden, die dâ sint gelegen,  
 und die andern in dem lande. nû vuoren after wegen  
 die noch gesunt wâren uf dem Wülpensfande.  
 die kômen nâch ir sorgen ietslicher heim zuo ir herren lande.

## XIX. ÂVENTIURE,

### WIE DIE HEGELINGE HEIM ZE LANDE VUOREN.

919. Die Hetelen mäge heten läzen hie  
 uf des tôdes lâge, daz quote recken nie  
 mit sô grôzen sorgen mē kômen zuo ir lande.  
 sit sach man schône vrouwen weinen mit windenden handen.
920. Ez getorste úz Ortlande der degen Ortwin  
 nâch schaden und nâch schande die lieben muoter fin  
 Hilden die schœnen vor jâmer nie beschouwen.  
 diu warte tegeliche, ob si brâhten Gûdrûn die vrouwen.
921. Wate reit mit vorhten in daz Hilden lant,  
 die andern niht getorsten. fin kraft und och fin hant  
 hete übele gehütet in volstürmen grimmen.  
 er entroute niht sô gâhes die Hilden hulde wider gewinnen.
922. Dô die liute sageten, Wate wære kommen,  
 genuoge des verzageten. si heten ê vernomen,  
 swanne er rite úz strite, sô vüere er ie mit schalle.  
 daz tete er ze allen ziten. si swigen nû gemeinlichen alle.